

VITA SANCTI VICTORIS.

CAPUT PRIMUM.

*Ciborium argenteum Ecclesie Ursianæ. Endothis oblata.
Balineæ constructæ pro Clero.*

DE SANCTO VICTORE XXV.

Victor XXV. Victor quid est? Exoptatione Parentum sibi divinitus fuerat cognomen; ex suo verò proprio actu, & nomen, (1) eo quòd castra Diaboli orando, jejunandoque per multas virtutes sæpissimè vicit. Iste pulchra fuit facie, & alacri vultu. Ædificator Tricoli, sed non explevit. Fecit autem & Ciborium de argento super Altarium S. Ecclesie Ursianæ, quæ à nomine Ædificatoris vocatur, miro opere. Alii ajunt unà cum plebe, & alii dicunt, quòd temporibus Justiniani orthodoxi senioris Imperatoris per suggestionem sibi postulasset, quòd tale opus facere voluisset, ut auxilium præberet; qui misericordiâ motus omnem censum istius Italiæ in ipso anno Beato Victori largivit, quem cum accepisset construxit, ut cernitis, opus, quod dehinc sublato ligno vetusto centies viginti librarum argenti justo pondere structum est. Et super arces (2) Ciborii versus conscripti hi sunt.

*Hoc votum Christo solvit cum Plebe Sacerdos
Victor, qui Populis auxit amore fidem.
Pontifici Christo solventi vota ministrat
Aligerum cingens hæc loca sancta manus.
Egregium miratur opus sublata vetustas,
Quæ melior cultu nobiliore redit.
Catholice Legis venit . . . si quis amator
Mox reparatur abijt Corpore Christe tuo.*

Reliquo verò, quod remansit diversa vascula ad mensam Pontificis extruxit, de quibus ex parte aliqua permanent, usque in præsentem diem. Fecitque Endothim super S. Ecclesie Altarium Ursianæ ex auro puro cum staminibus sericis ponderosa nimis mediam habens coccam; & inter quinque imagines suam ibidem cernimus, & subtus figuratos pedes Salvatoris gratia (3) contexta est perpurata. *Victor Episcopus, Dei famulus, hunc ornatum ob diem Resurrectionis Domini Nostri Jesu Christi anno V. ordinationis suæ obtulit.* Refecitque Balneum juxta domum Ecclesie hærens parietibus muri Episcopi, ubi residebat, quo usque hodie mirifice lavatur, & pretiosissimis marmoribus parietes junxit, & diversas figuras, tessellis aureis, variasque composuit, & tabulam descripsit literis aureis tessellatis, in qua laboriosè legere curavimus, & ita hos exametros catalecticos versus in eadem conscriptos invenimus.

*Victor Apostolica tutus virtute Sacerdos
Balnea parva prius prisco vetusta labore*

(1) agnomen. Mur.
(2) arces. Mur.
(3) idest Scriptura. Bacch.
(4) cessa. Mur.

*Deponens, miraque tamen novitate refecit,
Pulchrior ut cultus, majorque resurgat ab imo.
Hoc quoque perpetuo decrevit more tenendum,
Ut biduo gratis Clerus lavet ipsius urbis,
Tertia cui celsum (4) est, & feria sexta lavandi.*

CAPUT SECUNDUM.

*Fontis ad Petrianam Ecclesiam ornatus. Inseclatio
vitiatorum. Victoris mors, & sepulcrum.*

Modicum tempus regit Ecclesiam suam, sed in quanto sedem tenuit ex ejus laboribus, magnus labor apparet. Fontem verò tetragonum, quem Beatissimus Petrus Chrysologus ædificavit in Civitatem (5) Classis juxta Ecclesiam Petrianam, iste ornavit, & in medio cameras parte virorum subtus arcum orbitamodica, in qua usque hodie continetur ita; *Salvo Domino*; ex alia verò parte mulierum aliam orbitellam, ut supra, ex auratis literis invicem ex parte se respicientes à legentibus invenitur sic; *Papa Victore*. Hæc ut dixi valde comptavit (6), sed nunc à malignis hominibus destruitur, quia in tantum coartat Diabolus corda eorum, ut Templum Dei, quod à Sanctis Sacerdotibus, & fidelissimis Christianis constructum est, à falsis Christianis destruat. Quare hoc? Quia prope est finis, prope est terminus, & destructio Mundi. Sed juxta Apostolum sunt tempora periculosa, & sunt homines seipsos amantes. Mundus in malis finitur. Quanta alacritas in initio Mundi fuit, multò magis ploratus sit in consummatione Mundi. Antequam consummetur Mundus juxta Evangelium, pestilentia, & fames, terroresque de celo, iræ, rixæ, dissensiones, & gladii erunt. Elevabitur gens in gentem, & Regnum fremescet contra Regnum, & antecedit juvenis senem, & subsequentes nullum honorem prioribus reddent, sed & Filii despicient Patres, & non solum derident, sed etiam subjugabunt. Hæc juxta Sanctum Evangelium. *Veh nobis (7) miseris!* Omnia conspeximus. Sed tu immortalis Deus excelsè, & terribilis, magnâ potentia tuâ salva nos. Omnia hæc perspeximus, & terræmotus per loca, & signa in Sole, & Luna. Sed quia dicit ipsam consummationem, & horam, quæ Sanctis Angelis non revelata est, nescimus, sed scimus quòd prope est, atque intelligimus, quia verus homo propinquè moriturus est, & signum mortis in eo cernimus. Nescimus qua die, vel hora iturus est; sic & omnia signa, quæ prædixit Veritas, eveniunt, dies, vel hora abscondita est nobis. Sed tibi

co-

(5) Civitate. Mur.
(6) idest ornavit. Bacch.
(7) vobis. Mur.